


世

本





世 本

宋 衷 注  
張 澍 集 補 注

編主五雲王

叢書集成初編

世 本

中華民國二十六年十二月初版

注者 宋 衷

集補注者 張 澍 粹

發行人 王 雲 五  
長沙南正路

印刷所 商 務 印 書 館  
長沙南正路

發行所 商 務 印 書 館  
各埠

大

合

# 輯世本序

賜進士出身翰林院庶吉士知貴州玉屏縣事武威張澍粹集補注

周禮瞽矇掌諷誦詩。世奠繫。鄭注云。奠或爲帝。杜子春云。帝讀爲定。其字爲奠。書亦或爲奠。世奠繫。謂帝繫諸侯卿大夫。世本之屬。又小史定世繫。辨昭穆。注謂帝繫世本之屬。天子曰帝繫。諸侯曰世本。杜子春謂小史主次序先王之世。昭穆之繫。述其德行也。楚語莊王使士亶傅太子蒧。申叔時曰。教之世而爲之。昭明德而廢幽昏焉。以休懼其動。注世。先王之世繫也。爲之。陳有德者世顯而暗亂者世廢也。後鄭云。世之而定其繫。謂書於世本。以世與繫爲一事。解之。賈公彥云。王謂之帝繫。諸侯卿大夫謂之世本。又分言之。其實散則通稱矣。漢太史公司馬遷修史記。因周譜明世家。多采世本。然春秋正義云。今之世本。與司馬遷言不同。劉向云。世本。古史官明於古事者所記。錄黃帝以來至春秋時。王侯諸國。世卿大夫繫諡名號。與左氏合也。唐史柳沖傳載柳芳言亦然。顏之推據皇甫謐帝王世紀說。爲左丘明所纂。劉知幾史通云。楚漢之際。有好事者。錄自古帝王公侯卿大夫之世。終乎秦末。號曰世本。又曰。世本辯姓。著自周室。劉恕通鑑外紀。以爲世本經秦漢儒者改易。孔穎達尙書正義。以世本經暴秦。爲儒者所亂。是此諸本已。晉杜預采世本以爲春秋世族譜。然亦旁引傳記。不盡依世本也。要之。係秦漢以前書。中壘孟堅以爲出古

史官者近之。班彪以爲十五篇。劉向敍錄中祕書。以十五篇爲二卷。索隱亦以爲十五篇。隨經籍志因之。云。世本王侯大夫譜二卷。劉向纂。纂云者。纂集之。非作也。觀更生自言爲古史官所記可知矣。隨志又有世本四卷。宋衷纂。衷蓋注而廣之也。王侯大夫譜云。趙孝成王丹生悼襄王偃。偃生今王遷。是作者猶值趙王遷時。且司馬遷已採用。豈劉宋二人所作乎。然其書自宋時已不傳。鄭樵氏族略。王伯厚姓氏急就篇。所引寥寥。皆采獲他處。不見本書故耳。余繙閱細帙。有引用者輒著錄之。乃集得作篇。居篇。氏姓篇。帝繫篇。王侯大夫譜篇。共五篇。聊以管穴裨益宋注。其有聽瑩。亦從闕如。庶幾存此一綫。異日博雅之士。因其繇繇。增補缺略。亦古籍之幸也。若顏之推謂此書有燕王喜。漢高祖。殆非本文。蓋亦如神農本草。有豫章朱崖。趙國常山等郡縣。歸藏黃帝書。而坤啓筮。有堯降二女。以妃舜之語。化益山海經。有長沙零陵桂陽諸地名。周公作爾疋。有張仲孝友。孔子作春秋。而曰孔丘卒。李斯作蒼頡篇。有漢兼天下海內。並廁豨黥韓覆。討畔滅殘。皆爲後人所躡云。

# 世本後序

吾觀天老五姓之對。河圖記姓之篇。中侯賜姓之文。家語本姓之解。咸言氏姓。卓乎有聞。蓋古者聖人歛律定姓以協五音。司商掌旅協姓以定其名。瞽矇世奠繫。小史復辨其昭穆。宗伯掌禮秩。宗祝復等其親疏。厥事綦重。本原繫焉。楚三閭掌王族以厲國士。晉九宗敘世系以守宗祊。史伯之述祝融以柔生嘉材。申叔之告太子以昭明廢昏。此能言吾祖。郊子見師。不識其先。籍談見笑。與司馬遷爲史記。旣効周譜。實依世本。大戴禮紀帝德。雖次帝繫。亦原世本。韋昭注國語。根氏以考其流。士安作世紀。采擇以溯其源。中壘言其記春秋名氏。與左傳相符。孟堅謂其敘黃帝以來。爲古史所錄。蓋得其實矣。漢初得之。倣爲劉氏承堯。皇甫著書。出于丘明之手。綏和元年。以世本相發明。封孔子之後。康成駁義。以世本言姓氏。分上下之別。亦復援以爲據。信其有徵也。而或指爲劉向所纂。何以腐遷先采其言。或又以爲宋衷所編。不知仲子實廣其注。故劉昫以爲經秦漢儒者改易。斯爲確論。傅巽乃謂秦漢好事者所作。未爲知言矣。若孫卿血脈。子雲家牒。聊謀姓譜。薛綜宗圖。幼安姓氏之歌。潛夫姓氏之志。仲遠姓氏之篇。摯虞族姓之記。杜預世族之書。承天姓苑之譔。賈家之要狀。英賢王儉之百家集譜。皆因襲此書。非同剗造也。至元魏徒尙門地。是三桓賢于四科矣。李唐競誇閥閱。而冠冕混于阜隸矣。彼林寶纂元和。不知己姓之由來。夾漈以爲

歎息。義府廣類例。乃以軍功升譜限。薦紳目爲勳格。何能如魯之衆仲。晉之胥臣。鄭之子羽。楚之射父乎。余旣痛錫士之義不著。常補風俗之佚文。念肉譜之說不明。用傳世本之古籍云爾。

# 世本卷第一

漢五業從事宋衷注

清武威

張

澍粹集補注

澍按三國志宋衷南陽章陵人。後漢荊州五等從事。與劉表共定五經章句。督郵班碑云爲五業博士。隨志云五業從事。又按魏略言樂詳云五業並授。卽五經也。衷定五經章句。故立此官。官之。今魏志作五等者訛。唐藝文志宋衷注世本四卷。詩正義引宋仲子注。仲子卽衷字。魏志作宋忠。字之通也。又有世本別錄及宋均注世本七卷。宋均漢書有傳。然謝承書宗資傳均爲宗資之祖父。則當作宗。范書作宋均誤。此宋均宜爲注緯書者。均於詩譜序曰。我先師北海鄭司農。則均是玄之傳業弟子。宗均字叔庠。卒于建初元年。鄭玄生于桓帝時。于獻帝五年卒。宗均不能爲其徒也。史記索隱云。裴注頻引孫檢注世本。不知其人本末。蓋齊人也。今采集此書。亦附宋均孫檢注數條。惣題宋衷。從其多云。又注稱宋衷。宋忠。宋仲子。或止稱注。各隨所見之書。因之。若唐志所云王氏注世本譜二卷。今不可得矣。作篇。

澍按論衡對作篇云。言苟有益。雖作何害。倉頡之書。世以紀事。奚仲之車。世以自載。伯余之衣。以辟寒暑。桀之瓦屋。以辟風雨。夫不論其利害。而徒譏其造作。則倉頡之徒。有非世本十五家皆受責也。又按



周禮注智者創物。謂始開端造器物。若世本作者也。明堂位正義云。世本書名。有作篇。其篇記諸作事。  
伏羲制儷皮嫁娶之禮。禮記月令疏。

澍按古史考云。伏羲制嫁娶。以儷皮爲禮。儷。鹿皮也。通典唐志皆作儷。白虎通作離。云雙皮也。婚聘薦皮爲裘服。不忘古也。何休云。儷皮玄纁。取其順天地也。鹿皮所以重古也。又楚詞云。命蹇修以爲理。王逸注。伏羲臣。謂爲媒理主婚姻。洪慶善以爲宓妃。伏羲之女。故使臣以爲理。修明嫁娶。禮始伏羲也。風俗通亦云。女媧禱祠神。而爲女媒。因置昏姻。一云黃帝始制嫁娶。

伏羲作琴。山海經注。

澍按通鑑前編音釋引世本云。伏羲氏削桐爲琴。面圓法天。底平法地。龍池八寸。通八風。鳳池四寸。象四時。五絃象五行。長七尺二寸。以修身理性。反天真也。達靈成性。象物昭功也。係宋衷注文。又按太平御覽。伏羲之琴名離。琴譜。伏羲琴名龍吟。樂錄。伏羲琴二十七絃。古今注以爲二十五絃。郭璞云。十絃。琴操言五絃。並失之。當以二十七絃爲是。廣雅。伏羲琴七尺二寸。或云三尺六寸六分。楚詞。伏羲駕辯。劉淵林曰。伏羲作琴製此曲。

伏羲作瑟。初學記。樂略。廣韻。通志。

澍按通典引世本云。庖犧瑟五十絃。後黃帝使素女鼓瑟。哀不自勝。乃破爲二十五絃。具二均聲。風俗

通引世本云。宓戲作瑟八尺一寸。四十五絃。黃帝書。秦帝使素女鼓瑟而悲。帝禁不止。故破其瑟爲二十五絃。書鈔玉海引世本云。伏羲作瑟五十絃。瑟潔也。使人清潔于心。淳一于行也。皆係宋衷注文。孫愐引云。庖犧作瑟。

神農作琴。風俗通。初學記。

澍按博雅引世本云。神農氏琴長三尺六寸六分。上有五絃。曰宮商角徵羽。文王增二絃。曰少宮少商。伏羲琴長七尺二寸。上有五絃。當係宋衷注文。揚雄琴清英云。昔者神農造琴以定神。禁淫僻。去邪欲。反其天真。又按說文云。琴。神農所作。桓譚新論亦云。神農作琴。

神農作瑟。山海經注。

澍按路史。神農度瑤瑟而保合太和。閑民欲。

女媧作笙簧。文選長笛賦注。太平御覽。明堂位疏。書鈔。風俗通。宋衷注。女媧。黃帝臣也。

澍按女媧。太昊氏之女弟。此言黃帝臣。誤矣。盧仝以爲伏羲婦。尤非。博雅引世本云。女媧作笙簧。笙。生也。象物貫地而生。以匏爲之。其中空而受簧也。當係宋注。帝王世紀。女媧氏。風姓。承庖犧制度。始作笙簧。唐樂志。女媧作笙。列管于匏上。納簧其中。風俗通書鈔引無笙字。

隨作笙。風俗通。志樂略。通。宋衷注。隨。女媧氏之臣。路史注。

澍按藝文類聚通典引世本有未知其何代人也句係注文又按說文隨作笙女媧氏作簧是笙簧二器或謂簧即笙中之簧應劭引世本云隨作笙笙長四寸十二簧像鳳之身正月之音也物生故謂之笙也當係宋注

隨作竽廣韻·文選注·太平御覽·路史注

澍按周禮春官疏竽長四尺二寸注竽管類用竹為之形參差象鳳翼鳥火離火數七冬至之時歛之冬水用事水數六六七四十二竽之長蓋取於此也

顓頊命飛龍氏鑄洪鐘聲振而遠太平御覽

澍按以氏春秋顓頊命飛龍作效八風之音命之曰承雲以祭上帝是飛龍氏能審音故作鐘也又按三墳伏羲氏命臣飛龍氏造六書是春皇時先有飛龍氏也三墳又以朱襄為飛龍氏拾遺記顓頊即位受文德者錫以鐘磬有浮金之鐘

祝融作市初學記·太平御覽·玉篇宋衷云祝融顓頊臣也為高辛氏火正釋文

澍按古史考神農作市高陽氏衰市官不修祝融修市然則市之作自神農祝融特因而修之非作也句芒作羅玉海·路史注宋衷注句芒伏羲臣

澍按周易庖羲氏王天下結繩而為網罟古史考伏羲氏觀蒙而作網抱朴子太昊師知蛛而結網

芒作網。太平御覽。宋衷注。芒庖羲氏之臣。

澍按路史引作芒氏。或作句芒。呂氏春秋古史考並云伏羲作網。

黃帝使羲和作占日。史記索隱。玉海。

澍按呂氏春秋云。羲和作占日。占日者。占日之晷景長短也。大荒南經有羲和之國。有女子。名曰羲和。方浴日於甘淵。羲和者。帝俊之妻。生十日。郭注。蓋天地始生。主日月者也。故啓筮曰。空桑之蒼蒼。八極之既張。乃有夫羲和。是主日月職。出入以爲晦明。又曰。瞻彼上天。一明一晦。有夫羲和之子。出于暘谷。故堯因此立羲和之官。以主四時。尸子曰。造曆象者。羲和子也。廣韻。羲和造曆。又按司馬貞引世本。無作字。

常儀作占月。史記索隱。玉海。

澍按常儀氏也。一作尙儀。儀古音與我同。後世遂有嫦娥之說。因音近而訛。春秋時有常儀靡。卽常儀氏後。杜預注爲地名。誤。占月。占月之晦朔弦望也。司馬貞引無作字。

史區占星氣。史記索隱。

澍按史區卽車區。亦作鬼容盧。實一人也。史記封禪書。黃帝得寶鼎宛胸。問于鬼史區。又曰。鬼史區。號大鴻。死葬雍。李奇注。區。黃帝時諸侯。占星氣。謂占星之昏明流實。主何瑞禎變異。及雲物恠變風氣方。

隅時候也。

伶倫造律呂。史記索隱。

澍按伶倫黃帝臣。史記律書黃帝使伶倫之大夏嶰谷取竹。截十二管以象鳳鳴。呂氏春秋黃帝使伶倫自大夏之西崑崙之陰取竹之嶰谷生其竅厚薄均者斷兩節間而歛之以為黃鐘之宮。制十二筩以聽鳳凰之鳴。雄鳴六雌鳴六以為律呂。晉志黃帝作律以玉為琯長尺六寸為十二月言黃帝作者明君得統臣也。一作冷綸。

太橈作甲子。春秋序正義。舜典疏。史記索隱。宋注太橈黃帝史官。

澍按月令章句云太橈探五行之精占斗綱所建於是始作甲乙以名日謂之幹。作子丑以名月謂之支。支幹相配以成六旬也。又按漢律曆志伏羲有甲子元曆。陳鳴曆書序云伏羲推策作甲子是太昊時已有甲子。至太橈特配甲子作納音耳。非甲子始太橈也。橈一作撓。

隸首作算數。文選西京賦注。宋注隸首黃帝史也。

澍按隸首作九章算數。博物志黃帝臣一云黔如即隸首。呂氏春秋云黔如為慮首。史言作算之始者也。漢律曆志算法用竹徑一分長六寸二百七十一枚而成六觚為一握。徑象乾律黃鐘之一而長象

坤呂林鐘之長。又按文選注引無算字。

容成作調厯莫典疏。太平御覽。春秋序疏。史。宋衷注。容成黃帝之臣。

澍按容成因五量治五氣起消息察發斂作調厯歲紀甲寅日紀甲子而時節定歲交己酉實黃帝之五十年也。史記索隱云世本及律厯志黃帝使羲和占日常儀占月與區占星氣伶倫造律呂大撓作甲子隸首作算數容成綜斯六術而著調厯後漢書注引博物記云容成氏作厯注黃帝史官而律厯志云黃帝作厯者君得統臣也。又按尸子云羲和造厯楊泉物理論以為神農造厯日與世本說異。

沮誦蒼頡作書廣韻。平御覽。宋衷注。沮誦蒼頡黃帝之史官。

澍按尙書序正義引云蒼頡作書無沮誦字周禮外史疏引云蒼頡作文字注蒼頡黃帝之史援神契云蒼頡視龜而作書淮南子云蒼頡作書天雨粟鬼夜哭呂氏審分覽云蒼頡作書高誘注蒼頡生而知書寫倣鳥跡以造文章說文庖羲氏始作易八卦神農氏結繩為治黃帝之史蒼頡見鳥獸蹏呿之跡初造書契蒼頡之初作書蓋依類象形故謂之文其後形聲相益即謂之字字者言孳乳而浸多也。著於竹帛謂之書書者如也。

沮誦蒼頡為黃帝左右史唐六。宋注云黃帝之世始立史官沮誦蒼頡居其職矣至於夏商乃置左右言

則左史書之動則右史書之故曰左史記言右史記事言經尙書事經春秋者也初學記。

澍按路史注引世本云史皇蒼頡同階不作沮誦未審也帝王世紀云黃帝史官蒼頡取象鳥跡始作

文字記其言動。謂之書契。而河圖玉版云。蒼頡為帝南巡。登陽虛之山。臨于玄扈洛汭之水。靈龜負圖。丹甲青文以授之。是蒼頡為帝。又非史官矣。而漢熹平六年。蒼頡廟碑云。蒼頡天生。德于大聖。四目靈光。為百王作憲。而孔演圖元命苞言帝王之相曰。蒼頡四目。是謂並明。非人臣也。

史皇作圖。文選宣貴妃誅注。藝文類聚。太平御覽。宋衷曰。史皇黃帝臣也。圖謂畫物象也。

澍按類聚引世本云。史皇作畫。又按淮南子注。史皇蒼頡也。春秋元命苞云。蒼帝史皇氏。名頡。姓侯岡。龍顏侈哆。四目靈光。實有睿德。生而能書。及受河圖綠字。於是窮天地之變。仰觀奎星圓曲之執。俯察龜文鳥羽山川。指掌而創文字。治百有一十載。都於陽武。終葬衙之利鄉亭。亦以史皇為蒼頡。然路史引世本云。史皇蒼頡同階。是史皇非即蒼頡也。

黃帝作旃。爾疋釋文。宋均注。通帛為旃。冕冠之有旃者。路史注。

澍按太平御覽引世本云。黃帝作旃冕。春秋合誠圖曰。黃帝黃冠。三禮圖亦言黃帝作冕也。

黃帝作冕旒。士冠禮疏。宋仲子注。冕冠之有旒者。禮文殘缺。形制難詳。左桓二年疏。

澍按古史考。黃帝臣常先作冠冕。謂之元服。故加常先為冕侯也。

胡曹作冕。昭二十四年疏。太平御覽。宋忠注云。胡曹黃帝臣。藝文類聚。

澍按冕起於黃帝。加飾起自唐虞。又按物原荀始為冠。亦黃帝臣。

伯余作衣裳。太平御覽宋注余黃帝臣也。

澍按伯余即黃帝。河圖挺佐輔云。荼古舒字。或作余。即黃帝也。淮南子云。伯余之初作衣也。絞一作麻。

索一作縷。手經指柱。一作緝。後世為之機杼。勝一作體。復一作辨。以便其用。許慎注亦以伯余為黃帝。

胡曹作衣。路史國名記廣韻。

澍按古史考云。胡曹作袞服九章。

黃帝造火食。禮記疏。

澍按逸周書云。黃帝始蒸穀為飯。管子云。黃帝作鑽燧生火以熟蒙臊。民食充。無茲膈之疾。而天下化。

夷作鼓。通典通志藝文類聚。

澍按夷即黃帝次妃彤魚氏之子夷鼓。其名鼓。以其作鼓。猶無句之稱磬叔。相土之號乘杜也。皇甫謐

謂夷鼓一名蒼林。古今人表以蒼林為嫫母子。又按禮云。伊耆作鼓。

伶倫作磬。廣韻。

澍按御覽引磬字作聲。通禮義纂。帝使伶倫造磬。羅泌云。伶倫造磬以諧八音。五音調以立天時。八音

交以正人位。

黃帝見百物始穿井。太平御覽初學記。



澍按逸周書黃帝穿井。又按說文八家爲井。象構幹形。墨子二舍共一井。

尹壽作鏡。始事物原注黃帝臣。

澍按玄中記云。尹壽堯臣也。作鏡。此說誤。蓋鏡肇于軒轅。尹壽爲臣。君得統臣。故諸書又言黃帝作鏡也。堯師君疇。一作尹壽。字之誤。正字通希姓錄引世本均作系壽。疑誤。

於則作屏履。初學記平御覽。太注。於則黃帝臣。草曰履。麻曰履也。

澍按御覽引無屏字。事物紀原引麻下有皮字。

蚩尤以金作兵器。初學記平御覽。太宋衷注。蚩尤神農臣也。

澍按路史引世本云。蚩尤作五兵。戈矛戟。曾矛夷矛。黃帝誅之。涿鹿之野。太平覽御引世本云。蚩尤作兵。又按太白陰經。伏羲以木爲兵。神農以石爲兵。蚩尤以金爲兵。是兵起于太昊。蚩尤始以金爲之。管子地數篇。蚩尤受葛盧山之金。而作劍鎧矛戟。春秋元命包。蚩尤虎捲威文立兵。宋均注。捲。手也。手文威字也。呂氏春秋。蚩尤作兵。非作兵也。高誘注。非始作之也。

巫咸作筮。周禮龜人疏初學記。宋衷注。巫咸不知何時人。

澍按歸匪易云。黃帝將戰。筮于巫咸。莊子逸篇。黔首多疾。黃帝立巫咸以通九竅。路史神農時有巫咸主筮。太平御覽引世本宋注云。巫咸。堯臣也。以鴻術爲帝堯之醫。郭璞巫咸山賦序本之。古史考。殷巫